

BASES DA CONVOCATORIA O TEU POBO PREMIA, PARA SUBVENCIONAR A EMISIÓN DE VALES DE COMPRA CO MOTIVO DE FOMENTAR A ACTIVIDADE COMERCIAL NO CONCELLO DE CURTIS.

1. OBXECTIVO

A finalidade da campaña de promoción do comercio local de Curtis 2025 “O teu pobo premia” ten como obxectivo incentivar que a veciñanza poida coñecer a diversa oferta comercial de Curtis, premiando as súas compras habituais nos establecementos comerciais e de hostalería do Concello de Curtis.

2. DURACIÓN DA CAMPAÑA

A duración total da campaña será ata o 31 de decembro de 2025.

3. PARTICIPANTES

Poderán participar nesta campaña todas as persoas físicas e xurídicas que realicen unha compra mínima de 25 € no comercio e hostalaría do Concello de Curtis, conforme ás datas indicadas nestas bases.

4. DESENVOLVEMENTO DA CAMPAÑA

A campaña “O TEU POBO PREMIA” desenvolverase en 4 fases:

Fase 1ª.- Reparto dos boletos. O Concello distribuirá entre os distintos establecementos os boletos, que serán repartidos entre os clientes ata o día 1 de decembro de 2025, incluído. Por cada 25 € de gasto realizado no comercio e hostalaría de Curtis obterase unha boleto de participación co seu número correspondente. Os boletos non repartidos e as matrices dos repartidos serán devoltos ao Concello con data límite o 1 de decembro de 2025 de 2025.

Fase 2ª.- Sorteo. Realizarase o día 3 de decembro de 2025 (conforme ao previsto na base 5).

Fase 3ª.- Cambio dos boletos premiados por vale de compra. As persoas agraciadas no sorteo, trocarán no Concello os seus boletos por vales de compra, todo conforme o previsto na base 6.

Fase 4ª.- Xustificación do gasto por parte dos participantes. Realizarase conforme ao previsto na base 8.

5. COMPOSICIÓN DO XURADO E SORTEO

A extracción dos boletos gañadores realizarase mediante sorteo público ante o Alcalde, un/unha Concelleiro/a, a Secretaria municipal que dará fe do acto, e un/ha Traballador/a municipal que levantará acta do sorteo.

O sorteo comezará co depósito das matrices dos boletos participantes para proceder á súa posterior mestura.

A continuación extraeranse ao azar cantos boletos sexan necesarios para outorgar todos os premios, outorgándose o primeiro premio ao primeiro boleto extraído, o segundo ao segundo, e os trinta e tres premios restantes aos trinta e tres seguintes. Ademais, extraeranse 80 números adicionais de reserva.

A celebración do sorteo está prevista para o día 3 de decembro de 2025, ás 10:00 h, no Salón de Plenos da Casa do Concello de Curtis, sita en Teixeiro.

Os boletos agraciados publicaranse o mesmo día do sorteo no tablón de anuncios da Casa do Concello e nas oficinas municipais de Curtis. Tamén se publicará nas redes sociais do Concello así como na páxina web.

6. PREMIOS

Os premios serán repartidos en 35 vales de compra de 200 € cada un.

Os premios non serán acumulativos, de modo que se unha persoa resulta gañadora de máis de un vale de compra, só será beneficiaria dun só premio, e en todo caso dun só vale.

As persoas gañadoras teñen de prazo o día 4 e 5 de decembro de 2025 dende as 9:00 ara 14:00h para presentar o boleto gañador no Casa do Concello de Curtis, e trocaráselle polo correspondente vale.

Finalizado o prazo de presentación dos boletos, os que non se presenten perderán o seu dereito ao correspondente vale, que será adxudicado por orde aos números adicionais de reserva. Estes novos boletos agraciados publicaranse dende a páxina web e redes sociais do Concello, indicándose o número de boletos non reclamados e publicaranse os números extraídos como suplentes, cuxo titular deberá retirar o vale no prazo de 2 días hábiles.

7. VIXENCIA DOS VALES.

Os gastos que serán obxecto desta campaña deberán ser realizados entre os días 4 de decembro e o 22 de decembro de 2025, ambos incluídos, sendo ese prazo o de vixencia dos vales.

8. XUSTIFICACIÓN DOS GASTOS

Os gañadores deberán presentar no Rexistro Municipal, ata o día 23 de decembro de 2025, a seguinte documentación para que lles sexa entregada a cantidade que lles corresponde por sorteo:

- O vale entregado polo Concello.
- A factura do gasto realizado, cuxo importe deberá ser igual ou superior á cantidade coa que resultara agraciado. Se o importe da factura fora menor, entregaráselle o premio por ese importe. No concepto da factura figurará a seguinte lenda: Campaña de promoción do comercio local de Curtis “ O teu pobo premia 2025”.
- Nº de conta bancaria para realizar a transferencia do importe do premio correspondente.

9. ACEPTACIÓN DAS BASES

A participación na campaña O TEU POBO PREMIA 2025 comporta a total aceptación das bases do concurso.